



EBC KUM THUPI 2026

Khrist Nungzui Bawl Un

— \\ MATTHAI 28:19 // —

THUPI KHENNENNA

JANUARY - FEBRUARY

THUPI	GENCHETNA	TANGTEL
<p>NINGZUIHNA KIBULPHUHNA</p>	<p>Gingtute Toupa Jesu sinsak thutak leh khalam hinkhua a kibulphuhthakna. Toupa Jesu nungzui ding a gingtute kipiakthakna leh khovel thupil leh thuhoih tuamtu- amte a kingalou a, Laisiangthou sinsakna liauliau a kingakthakna ding a kibulphuhthakna.</p>	<p>Matt 28:18-20, Luke 14:25-27, Johan 8:31-32; 13:34-35; 15:1-7, Luke 9:23-24; 14:25-35, 1 Kor. 3:10-11, Kol. 1:28-29, Heb. 5:12-14, 1 Johan 4:19, -Sam 1:1-3.</p>
TUP	SEPKHIAT DING DAN	SERMON MAKAI
<ol style="list-style-type: none"> 1. Laisiangthou sinsak nungzuihna theihchet ding. 2. "Jesu nungzuih" kichi mimal a pat ding ahildan theihchet ding 	<ol style="list-style-type: none"> 1. Nungzuihna toh kisai Laisiangthou sinsakna suut-khawm ding. 2. Saptuam makaite nungzuibawl dia sinsak ding. 3. Mimal nungzuihna lunglutte a ding "sinsakna leh kithuah-khawmna" kumtawn a paizomthei ding pat ding. 4. Inkuan Maitam/Kikhopna patchiat ding. 	<ol style="list-style-type: none"> 1. Nungzuihna Bulpi Laisiangthou pansan a sinsak ding. 2. Insung a nungzuihna pat dingdan sinsak ding. 3. Nungzui dinga sapna leh "nungzuihna man" sinsak ding. 4. Nungzuihna toh kisai theihkhel- htheihte genchet ding. Etsakna: saptuam member hihna leh Khrist nungzui hihna.

MARCH - APRIL

THUPI	GENCHETNA	TANGTEL
<h1>INKUAN A KHRIST NUNGZUI</h1>	<p>Inkuan Pathian bawl ahi a; a lunglutna pen leng ahi. Nu-leh-pa'n Toupa Jesu nungzui a itna tak toh Khrist a kizopna a neihchiang un; insung "biakna leh phatna inn" hong suak a, huai mah khotaang leh saptuam ah hong taangkha hi.</p>	<p>Deut. 6:4-9, Jos. 24:15, Efe. 5:25; 6:4, Kol. 3:13-14, 1 Kor. 13:4-8, Gal. 6:2, Pau. 3:11-12; 22:6, Matt. 19:4-6, Sam 127:1-3.</p>
TUP	SEPKHIAT DING DAN	SERMON MAKAI
<ol style="list-style-type: none"> 1. Khrist nungzuihna inkuan a patthak ding. 2. Nu/Pa te "Nungzui Bawltu" dia kisin ding, i inkuan chiat Khrist nungzui dia kalsuan-pih ding. 3. "Nungzui Bawlna" Bial Kik-hopnate a zop ding. Inkuan chih panlakna; masawna leh hatlounnate kikap-khawm ding. 	<ol style="list-style-type: none"> 1. Inkuan a teltheihna ding "Nungzuihna Chialpi/Kisinsakna" sai ding. 2. Nu/Pa te a ding "Nungzuihna Workshop" kisinsakna hun sai ding. Parent Mentoring leh Networking pat ding. 3. Inkuan a ding liauliau a thum-khawmna hun sai ding. 	<ol style="list-style-type: none"> 1. Laisiangthou a nu-leh-pa, zi leh pasal, tate dinmun leh mohpuakna kigente sinsak ding. 2. Testimony sharing dia saptuamte hanthawn ding. 3. Nungzuibawlina a nu-leh-pa dinmun sinsak ding. 4. "Insung a Ginna" chih pansan a insung a ginna hinpih/lah-khiat dingdan sinsak ding.

MAY - JUNE

THUPI	GENCHETNA	TANGTEL
<h1>KHOTANG A KHRIST NUNGZUI</h1>	<p>Laisiangthou a kibulphuh itna leh thutak a zungkai khotaang i po-imoh uhi. Saptuam a biakna leh kisinsakna i neih zahzah khotaang a gakhhiatsak ding ahi. Khotaang a kithuahkhawmna leh kisinsaknate leng Pathian' pomtak hiding a panlak ding. Nungzuibawlina kithuahkhawmna a kipan ahi.</p>	<p>Nas. 2:42-47, Matt. 6:33; 22:37-40, Rom.12:2-5, 2 Kor. 10:5, Gal. 6:1-2;9-10, Efe. 2:10, Fil. 2:1-4, Kol. 3:11, Heb. 10:24-25, Jak. 1:27, 1 Pet. 4:8-11, Eccl. 4:9-12.</p>
TUP	SEPKHIAT DING DAN	SERMON MAKAI
<ol style="list-style-type: none"> 1. Nungzuihna inkuan apan khotaang ah puakkhiat ding. 2. Khrist a kibulphuhtak khotaang suah ding. 	<ol style="list-style-type: none"> 1. Biakinn leh saptuam pua ah itna nasep sep ding. 2. Kongzing a thugenna leh phatkhawmna sai ding. 3. Mihinpih tanse zawte lak ah itna nasep tungtawn a Khrist nungzui dia chial ding. 	<ol style="list-style-type: none"> 1. Ki-itna leh itna nasep toh kisai, kideidanna mualsuahna toh kisai a Saptuam masate dinmun leh tangthu sinsak ding. 2. "Koinonia" toh kisai sinsak ding. 3. Sawltakte Nasepte sinsak ding. 4. Jakob Laikhak pansan a nna-hoih sep leh ginna toh kisai sinsak ding.

JULY - AUGUST

THUPI	GENCHETNA	TANGTEL
<p>KHRIST NUNGZUIHNA TUNGTAWN A KIZOPNA KISIATE BAWLHOIHNA</p>	<p>Gingtute a ding a Toupa Jesu thupiak ki-ittuah ding chih ahi. Mimal chih in Khrist itna tungtawn a midangte toh kizopna hoih neihding tuppipen a i koihding ahi. Gingtute kal a kimelmakna; kideidanna leh kingaihdamlouhna chihthe'n mun a neihlouh ding ahi.</p>	<p>Matt. 5:9; 23-24; 6:12-15; 18:15-17, Efe. 4:31-32, Kol. 3:12-17, Rom. 12:17-19; 20-21, 2 Kor. 5:18, Jak. 5:16, Pau. 15:1.</p>
TUP	SEPKHIAT DING DAN	SERMON MAKAI
<ol style="list-style-type: none"> 1. Inkuan, saptuam leh khotaang ah kilemkikna leh kingaihdamna nasep pat ding. 2. Khotaang ah saptuamte "Lemna Bawltu" a madawktak a pan ding. 	<ol style="list-style-type: none"> 1. Saptuam leh Khotaang makai te a ding "Lemna Hunpi/Retreat" sai ding. 2. "Conflict Resolution" thupi a nei a kisinsakna neih ding. A bik a saptuam leh khotaang makaite a ding. 3. EBC hilou saptuam dangte toh kivehtuahna neih ding. 	<ol style="list-style-type: none"> 1. Laisiangthou sinsak Ngaihdamna sinsak ding. 2. Laisiangthou leh khovel khangthu a "Kilemkikna Tangthu" leh "Kilamthakna Tangthu" te sinsak ding. 3. A tak gam a ngaihdamna sepkhiat dingdan sinsak ding. 4. Toupa Jesu sinsak "Lemna bawlna" sinsak ding; sepkhiat dingdan sinsak ding.

SEPTEMBER - OCTOBER

THUPI	GENCHETNA	TANGTEL
<p>“KHAMANGTHANG MAN” KHRIST NUNGZUI</p>	<p>Toupa Jesu' Nnagot Thupi sepkhiatna a kalbi masa tuh khamangthang matna ahi. Hiai gingtute tengteng sepding a Toupa'h hon nawtsiat nna ahi. A semtu' hinkhua ah kipahna a tun a, a dongtu' hinkhua ah suahtakna, leh van ah Toupa' lungkimna a tun hi.</p>	<p>Matt. 5:14-16; 28:19-20, Luke 19:10, Johan 3:16, Nas. 1:8; 17:17; 18:1-3, Rom. 10:14-15, 1 Kor. 12:15-26, Jude 20-25.</p>
TUP	SEPKHIAT DING DAN	SERMON MAKAI
<ol style="list-style-type: none"> Inkuan chih in khamangthang thumpih ding sehtuam neih ding. Saptuam member chih in khamangthang matna na sep a, mikhat bek Khrist nungzui ding a makaih ding. 	<ol style="list-style-type: none"> Inkuan chih “Missionary Inkuan” hihtheihna dia kisinsakna leh thopna neih ding. Inkuan chih in innvengte thumpihna hun pat ding. Vengsung a gingloute lak a kalsuanna neih ding. Lawm-leh-vual, seppih ginglou leh piangthakloute lak a “Tanchin-hoih Theihpihtu” a pang ding. 	<ol style="list-style-type: none"> Khrist Nungzuihna leh Khamangthang matna kizopdan sinsak ding; nungzui teng khamangthang man dinga nnagot i hihdan sinsak ding. Marketplace Ministry, BAM leh NDPN te mimal chih kiheltheihna dia sinsak ding. Missions kichi nungchang a neih ding ahihdan sinsak ding. Toupa Jesu, Sawltak Paul leh saptuam masate khamangthang matdan leh nungzuibawldan sinsak ding.

NOVEMBER

THUPI	GENCHETNA	TANGTEL
<h2>“KHRIST NUNGZUI BAWL” SAPTUAM</h2>	<p>Tukum sung mimal, inkuan, khotaang leh saptuam a Toupa Jesu nungzuih ding ahihdan i sinkhawm hi. Khamangthang matkhawm ding ahihdan leng i sin in i semkhawm hi. Kum Thupi a i neihbang in tukum tawp kuan ah saptuam pumpi “Khrist Nungzui Bawl” saptuam chih theih i hita hi. “Member” tan lel a hunsak lou a, mimal chih “Khrist Nungzuibawl” ding a kisakhia in kalsuankhawm ni.</p>	<p>Matt. 28:18-20, Mark 16:15, Johan 1:45; 15:16-17, 2 Kor. 10:16-18, Efe. 4:13-16, Kol. 1:28-29, Heb. 6:1-3.</p>
TUP	SEPKHIAT DING DAN	SERMON MAKAI
<ol style="list-style-type: none"> 1. Khrist Nungzui Bawl Saptuamte'n lam chiteng a Toupa Jesu nungzuibawl-na nasep sutzop ding. 2. Tukum nasep leh sin-saknate etkikna hun zat ding. Khrist Nungzuibawl-na a lungtunhuai hiam chih kiveelna hun zat ding. 	<ol style="list-style-type: none"> 1. Department chih in tukum nasep etkikna hun zat a, Khrist nungzuibawl-na lam a masawnnate chiamteh ding. 2. Nungzuibawl-na a masawnnate department te kikupkhawmna hun zat ding. 3. Maban a kalsuantheihna lampi omte kikupkhawmna hun zat ding. 	<ol style="list-style-type: none"> 1. Andrew leh Barnaba te hinkhua apan Nungzuibawl-na toh kisai sinlai. 2. Jesu Khrist nungzuibawl-dan. 3. Jeremia hinkhua apan lohsapna leh lohchinna tehdan sinsak ding. 4. Nungzui Bawl Hinkhua/ Disciplemaking Lifestyle sinsak ding.

DECEMBER

THUPI	GENCHETNA	TANGTEL
<h1>KIPATHU GENKHAWM SAPTUAM</h1>	<p>Khrist nungzuihna leh nungzuibawlina a poimoh mahmah tuh kipahtheihna leh Pathian kiang a kipahthugenna ahi. Tukum sung saptuam pumpi in Toupa ompihna leh zahngaihnaate tungtawn a Amah kianga kipahthugenna hun zat ding. Mimal a kipahthugenna, nnaohih sep tungtawn a kipahthugenna leh saptuam pumpi a kipahthugenna hun manpha zat ding.</p>	<p>Rom 11:36, Fil. 4:6, 1 Thess. 5:18, 2 Tim 2:1-2, Heb. 12:28, Psalm 78:4-7; 100:1-3; 103:1-4; 107:1, 1 Kro. 16:34.</p>
TUP	SEPKHIAT DING DAN	SERMON MAKAI
<ol style="list-style-type: none"> 1. Toupa hoihna phatkhawm ding. 2. Itna Nasep tuamtu- amte tungtawn a Pathian pahtawi ding. 	<ol style="list-style-type: none"> 1. EBC sung a Saptuam tuamtuam kivehtuah a Pathian biakkhawm leh kipathu genkhawm ding. 2. Tualsung ah Testimony genkhawmna leh thumkhawmna hun zat ding. 3. Mihinpih tanse zawte lak ah itna banzaak ding. 4. Tukum a piangthak, baptisma tang leh nungzuibawltu te tungtawn a Pathian kianga pahtawina piak a kipathu genkhawm ding. 	<ol style="list-style-type: none"> 1. Pathian tunga kipah gige ding ahihdan leh pahtawina leh phatna piak ding ahihdan sinsak ding. 2. Khalam gou kinawtsiat poimohna; a khang-khang a nungzui muanhuai hi a, khangthakte etton theih ding khalam nuntakna kinawtsiat (Legacy of Discipleship) a poi- mohdan sinsak ding. 3. Kumthak a dinga kibawl Thupi leh a khennenna kitheihsiamsakna hun masa zat ding.